

2.9.5. ფორს-მაჟორული გარემოებების გარდა, ხელშეკრულებით გათვალისწინებული ვალდებულებების შეუსრულებლობის ან არაჯეროვანი შესრულებისათვის მხარეებს დაეკისრებათ პირგასამტეხლოს გადახდის ვალდებულება ყოველ ვადაგადაცილებულ დღეზე შეუსრულებელი ვალდებულების ღირებულების 0.05%-ის ოდენობით. პირგასამტეხლოს დაანგარიშება ხორციელდება წინამდებარე სატენდერო პირობებით/ხელშეკრულებით გათვალისწინებული ვადების დარღვევის შემთხვევაში, ამ ვადების დადგომის მეორე დღიდან. პირგასამტეხლოს დარიცხვა განხორციელდება კალენდარული თვის ბოლო კალენდარულ დღეს. დარიცხული პირგასამტეხლოს გაანგარიშება შესაბამისი მხარის მიერ წერილობით ეგზავნება მეორე მხარეს კალენდარული თვის დასრულების შემდეგ. მხარეს პირგასამტეხლოს გადახდის ვალდებულება წარმოეშობა აღნიშნულის თაობაზე წერილობითი შეტყობინების მიღებისთანავე.

2.9.6. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 10%-ს, „შემსყიდველი“ იტოვებს უფლებას:

2.9.6.1. შეწყვიტოს ხელშეკრულება და ხელშეკრულების პირობების შეუსრულებლობის შემთხვევაში, 2.9.5. პუნქტით გათვალისწინებული პირგასამტეხლოს გარდა, დამატებით დაარიცხოს „მიმწოდებელს“ პირგასამტეხლო ხელშეკრულების საერთო ღირებულების 10%-ს ოდენობით, ხოლო ხელშეკრულების ნაწილობრივ შესრულების შემთხვევაში, 2.9.5. პუნქტით გათვალისწინებული პირგასამტეხლოს გარდა, დამატებით დაარიცხოს „მიმწოდებელს“ პირგასამტეხლო შესასრულებელი (დარჩენილი) ვალდებულების შესაბამისი ღირებულების 10%-ს ოდენობით და მოსთხოვოს „მიმწოდებელს“, ხელშეკრულების შეწყვეტის მომენტისთვის, გადასახდელი პირგასამტეხლოს ანაზღაურება სრულად.

2.9.6.2. ხელშეკრულების შეწყვეტის გარეშე, 2.9.5. პუნქტით გათვალისწინებული პირგასამტეხლოს გარდა, დამატებით დაარიცხოს „მიმწოდებელს“ პირგასამტეხლო ხელშეკრულების საერთო ღირებულების 10%-ს ოდენობით, ხოლო ხელშეკრულების ნაწილობრივ შესრულების შემთხვევაში, 2.9.5. პუნქტით გათვალისწინებული პირგასამტეხლოს გარდა, დამატებით დაარიცხოს „მიმწოდებელს“ პირგასამტეხლო შესასრულებელი (დარჩენილი) ვალდებულების შესაბამისი ღირებულების 10%-ს ოდენობით და მოსთხოვოს „მიმწოდებელს“, გადასახდელი პირგასამტეხლოს ანაზღაურება სრულად.

2.9.6.3. 2.9.6. პუნქტით გათვალისწინებულ შემთხვევებში, მხარეს პირგასამტეხლოს გადახდის ვალდებულება წარმოეშობა აღნიშნულის თაობაზე წერილობითი შეტყობინების მიღებისთანავე.

2.9.7. პირგასამტეხლოს გადახდა არ ათავისუფლებს მხარეებს ძირითადი ვალდებულებების შესრულებისაგან.

2.9.8. „შემსყიდველი“ უფლებამოსილია, ფაქტიურად მიწოდებული შესყიდვის ობიექტის (მისი ცალკეული ნაწილის/დავალების) ღირებულების ანაზღაურებისას, „მიმწოდებლისათვის“ გადასახდელი თანხიდან გამოკეთოს მიმწოდებელზე ამ მუხლის 2.9.5. და 2.9.6 პუნქტების საფუძველზე დარიცხული და „შემსყიდველისთვის“ გადასახდელი პირგასამტეხლოს თანხა. შესაბამისად, შემცირდება „შემსყიდველის“ მიერ „მიმწოდებლისათვის“ ასანაზღაურებელი თანხა ფაქტიურად მიწოდებული შესყიდვის ობიექტის ღირებულებისათვის (მისი ცალკეული ნაწილისათვის/დავალებისათვის).

2.9.9. პრეტენდენტმა უნდა წარმოადგინოს ის რეკვიზიტ(ებ)ი, რომელიც შესყიდვების სისტემის შესაბამის პროფილში არ აქვს შევსებული ან/და შევსებულია არასწორად/არასრულად.

2.9.10 მიმწოდებელმა, შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ, არ უნდა გადასცეს მოცემული ხელშეკრულებით გათვალისწინებული თავისი უფლებები და ვალდებულებები მესამე პირს.

2.9.11 წინამდებარე სატენდერო პირობების 4.1 პუნქტით გათვალისწინებული შემთხვევის გარდა, იმ შემთხვევაშიც, თუ **დანართი N2-ით** გათვალისწინებული შესყიდვის ობიექტის რომელიმე კონკრეტული დავალების/ნაწილის შემოთავაზებული საბოლოო ფასი 20%-ით ან მეტით დაბალია სატენდერო პირობებით გათვალისწინებული შესაბამისი კონკრეტული დავალების საწყის (გამოცხადებულ) ფასთან შედარებით, პრეტენდენტს წარმოეშობა ვალდებულება ამ კონკრეტული დავალების ფასწარმოქმნის ადეკვატურობის დასაბუთების შესახებაც.

აღნიშნული ფასწარმოქმნის ადეკვატურობა შესაძლებელია დასაბუთდეს ექსპერტიზის დასკვნით, შესყიდვის ობიექტის შემადგენელი, 20%-ით და მეტით შემცირებული ღირებულების მქონე ცალკეული დავალებ(ებ)ის/ნაწილის მიწოდებასთან დაკავშირებით, პრეტენდენტის მიერ გაფორმებული ხელშეკრულებით, ანგარიშ-ფაქტურით (ინვოისით) ან/და სხვა ისეთი დოკუმენტაციით, რომელიც

დაადასტურებს პრეტენდენტის მიერ, კონკრეტული დავალების ნაწილში დაფიქსირებულ საბოლოო ფასად, ხელშეკრულებით ნაკისრი ვალდებულებების შესრულების შესაძლებლობას ამ კონკრეტულ დავალებასთან მიმართებით. აღნიშნული დასაბუთების წარმოდგენა მოხდება „შემსყიდველის“ მიერ განსაზღვრული ვადებისა და პირობების დაცვით, რომელიც ეცნობება პრეტენდენტს საჭიროების დადგომის შემთხვევაში, დოკუმენტაციის დაზუსტებისათვის, კანონმდებლობით განსაზღვრული წესების შესაბამისად.

2.9.12 მიმწოდებელი ვალდებულია, მიიღოს ყველა ზომა შესყიდვის ობიექტის ან/და მისი შემადგენელი ნაწილების ინფორმაციული უსაფრთხოების დაცვის მიზნით, რაც გულისხმობს და არ გამორიცხავს მიმწოდებლის ვალდებულებას, არ დაუშვას შექმნილ შესყიდვის ობიექტსა და მასზე განთავსებულ ინფორმაციასთან მესამე პირთა უკანონო წვდომა.

3. შესყიდვის ობიექტის ნიმუში ან/და ექსპერტიზის დასკვნა.

3.1. ნიმუშის ან/და ექსპერტიზის დასკვნის წარმოდგენა არ მოითხოვება, გარდა 2.9.11 და 4.1 პუნქტებში განხილული შემთხვევებისა.

4. ფასწარმოქმნის ადეკვატურობის დამადასტურებელი დოკუმენტ(ებ)ი.

4.1. პრეტენდენტმა, „შემსყიდველის“ მოთხოვნიდან არაუგვიანეს 3 (სამი) სამუშაო დღისა, სავალდებულოდ უნდა წარმოადგინოს დასაბუთება ფასწარმოქმნის ადეკვატურობის შესახებ იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული შესყიდვის ობიექტის საბოლოო (ჯამური) ფასი 20%-ით ან მეტით დაბალია შესყიდვის ობიექტის სავარაუდო (საწყის) ღირებულებაზე. ფასწარმოქმნის ადეკვატურობა შესაძლებელია დასაბუთდეს ექსპერტიზის დასკვნით, შესყიდვის ობიექტის მიწოდებასთან დაკავშირებით, პრეტენდენტის მიერ გაფორმებული ხელშეკრულებით, ანგარიშ-ფაქტურით (ინვოისით) ან/და სხვა ისეთი დოკუმენტაციით, რომელიც დაადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას.